

Nalunaarusiaq UKA 2011, imm. 39
Nuna Job

Aallaqqaasiut.....	3
Nunavut.....	4
Najugaqarfissat.....	5
Nunavik.....	5
Namminersulivissimanngillat.....	5
Ilinniartitaaneq.....	6
Aatsitassanut Ilinniarfik.....	6
Højskolit.....	7
Suliffissaqarniarneq.....	7
International Experience Canada Program.....	8
Nordjobb.....	8
Kimmut suleqateqarneq.....	8
Nuna Job Nordjobb-imut tapitartuuneqarsinnaava?.....	9
Ukioqqortussutsit/siunnerfigisat.....	10
Angalaniarneq.....	10
Timmisartukkut attaveqaatit.....	10
Attartornerit.....	11
Angalanissamut aningaasartuutit uteqqillugit.....	13
Attartornerit.....	13
Timmisartukkut attaveqaatit.....	14
Nuna Job-imik aaqqissuussinissaq piviusunngussappat.....	14
Ilusilersuineq.....	14
Pisortaqarfiumngitsumi allaffeqarsinnaaneq.....	15
Nordjobb-imi allaffissornikkut aaqqissuussineq.....	15
Misissueqqaarneq.....	16
Aningaasanut tunngasut tamakkerlugit.....	16
Akileeqataasoqartinnagu inummut ataatsimut aningaasartuutit.....	18
Inassuteqaatit.....	18

Aallaqqaasiut:

Inatsisartut 2011-mi upernaakkut ataatsimiinneranni Juliane Henningsen aammalu Jane Petersen siunnersuuteqarput, siunertaralugu unuusuttut nunani issittuni, tassalu Nunavut Nunavimmilu, paarlaasseqatigiittalersinnaanerannut tunngasumik. Oqaluuserineqartup siullermeerneqarnerani aalajangiunneqarpoq nalunaarusiortoqassasoq, taannalu ukiaanerani ataatsimiinnissamut piareersimatinneqassasoq.

Nalunaarusiornermi pissutsit assigiinngitsut Nuna Job-i pilersinneqassagaluarpat tassunga tunngassuteqartut misissuiffiqineqarput, makkuusut:

- Inissisimaffeqarniarneq
- Ilinniarnissaq
- Suliffissaqarnissaq
- Ukioqqortussuseq/siunnerfigisat
- Angalaniarneq
- Nuna Job-ip allaffissornikkut aqunneqarnera
- Aningaasalersuineq

Qulaani taaneqartut tunngavigalugit matumuuna Inuussutissarsiornermut Suliffeqarnermullu Naalakkersuisoqarfik suliassap ingerlateqqinnissaa eqqarsaatigalugu matumani assigiinngitsutigut innersuussaqaassaaq.

Nunavut:

Namminersornerullutik Oqartussat sinnerlugit Ilinniartitaanermut Ilisimatusarnermullu Naalackersuisoqarfiup aammalu Nunavut-imi Naalackersuisut sinnerlugit akornanni 2000-imi isumaqatigiissuteqartoqarsimavoq "Memorandum of Understanding (MOU)-mik taaneqarsimasumik. Tassunga tapitartuullugu Ilinniartitaanermut Ilisimatusarnermullu Naalackersuisoqarfiup aammalu Nunavummi Ilinniartitaanermut Naalackersuisut akornanni marts 2011-mi suleqatigiinnissamik nutaamik isumaqatigiissuteqartoqarsimavoq, nunatsinni Naalackersuit sinnerlugit Palle Christiansen-imi atsiorneqarsimasumit, taavalu Nunavummi Naalackersuisut siulittaasuannit Eva Ariak-mimit taamatullu ilinniartitaanermut Naalackersuisumit Hunter Tootoo-mit Nunavummi Naalackersuisut sinnerlugit atsiorneqarsimasumik.

Tassunga MOU 2000-meersumut ilassuteqaataasumut, nalinginnaasumik kissaatiginartut taaneqarsimavoq ilisimasat misilittakkallu tunngavigalugit, taamatullu siunissami atuartut/ilinniartut ilinniartitsisullu akornanni paarlaatseqatigiittoqartalernissaanik suliniuteqartoqar-nissaa. Isumaqatigiissummi taaneqarpoq suleqatigiissutigineqartut annertusarniarneqartuas-sasut.

Isumaqatigiissummi siunniunneqarsimavoq, illuatungeriit suleqatigiinnerminni aningaa-sartuutit imminnut tunngasut namminneerlutik isumagisassagaat.

MOU-imut ilassutissatut isumaqatigiissutigineqartup saniatigut massakkorpiaq Ilaquta-riinnermut, Kulturimut, Ilagiinnut Naligiissitaanermullu Naalackersuisoqarfiup Nunavum-milu taamatut oqartussaasut akornanni, tassalu Kultureqarnermut, Oqaatsinut, Utoqqarnut aammalu Nutaqqanullu Naalackersuisoqarfiup akornani isumaqatigiissuteqartoqarsinnaanera sulissutigineqartoq.

Nunavut-imi Naalackersuisunik suliniutit pillugit assigiinngitsutigut isumaqatigiissusior-toqarsinnaavoq tassami Nunavut namminersorluni ingerlatsiffiuvoq, taamaattumillu taamatut ittunik isumaqatigiissuteqarsinnaalluni. MOU-imi erseqqissaassutigineqarsimavoq illuatunge-riit arlaatigut suleqatigiissuteqarniarunik tassunga tunngatillugu aningaasartuutigisatik nammineerlutik akilertassagaat.

Nunavut-imi Naalackersuisut nammineerlutik tikkuarsimavaat illoqarfinni pingasuni angine-rusuni, tassalu Iqaluit, Qamaniqtuaq/Rankin Inlet aammalu Iqaluttuutiaq/Cambride Bay Nuna Job-i aqutugalugu suliffissarsiorfigitissallugit naleqqunnerpaassasut. Akerlianik piffinni taakkunani suliffissarsiornikkut inissaqarniarnikkullu ajornartorsiuteqartoqariaannaavoq. Nunavut-imi Naalackersuisut Nuna Job-i aqutugalugu suliffigisassat makku piukkunnaa-teqarnerusinnaassasutut nalilerpaat: eqqumiitsuliorneq, takornariaqarneq, kiffartuussineq aammalu arlaatigut aatsitassarsiornermut tunngatillugu suleqataaneq.

Nuna Job-ip aallartisarneqarnerani innersuussutigerusunnarneruvoq Iqaluit aammalu immaqa illoqarfiit anginerit marluusut atorniarnearnerusinnaanissaat. Tamanna aamma malinnaavigi-neqarsinnaanerinit iluaqutaaginnarani aamma aningaasartuutaasinnaasut appasitsinniarneran-nut iluaqutaasinnaassamat. Tassami Nunavummi angalarnearneq akisoorujussuuvoq. Asser-suutigalugu Iqaluit Qamaniqtuaq/Rankin Inlet-illu akornanni siumut uterlugulu billettisina-raani 9.700 kr.-nirik akeqarpoq, taavalu Iqaluit Iqaluttuutiaq/ Cambridge Bay-illu akornanni siumut utimullu angalarnaraanni 20.000 kr.-nirik akeqarluni. Nunavummi højskole, Piqqu-silerivvik, Kangerlugaapik-miittoq pulaarniaraanni siumut utimullu akia 5.700 kr.-nirik annertussuseqarpoq.

Najugaqarfissat

Nunavut eqqarsaatigalugu avataaniit tikisitsiniarnermi inissaqartitsiniarnissaq annertuumik unammilligassaassaaq. Pissutsit qanoq ippiarnersut paasiniarniarlugit suliniuteqarneq assut aporfissaqarsimavoq, sutigummi periarfissaqartoqarsinnaanersoq imaasiinnarlugu paasineqarsinnaanngimmat. Taamaattumik misissueqqaarnissami tamanna sukumiisumik paasinias-sallugu pissusissamisuussaaq.

Inuup Nuna Job-i aqutigalugu sulisussarsiarineqarsimasup naatsorsuutigisinnaassagunarpaa, sulinerata nalaani sulisitsisup ineqartissinnaassagaa. Tamanna ilaannakortumik imaluunniit sulinerup nalinganik akeqartinneqarsinnaavoq.

Sulisitsisoq inissaqartitsissanngikkaluarpat, Iqalunni periarfissaanerussagunarpoq ”Oldrez”/Nunatta residence kolligiami-mi katillugit 20-nut inissaqartitsisumi najugaqartitsisinaanissaq. Immaqa Nuna Job-ernerup tamakkerlugu ingerlanera tamaat ilaanniluunniit tassani najugaqartoqarsinnaassaaq. Tassani inissat juni-miit august-i ilanngullugu kisiat periarfissaqarfiupput, tassami ukiup atuarfiusup ingerlanerani Nunavut Arctic College-mi ilinniartunit najugaqarfigineqartarmata. Kollegiami tassani sukisaarsaartarfeqarlunilu cafeteriaqarpoq. Tassani najugaqarniaraanni qaammammut 6.000 kr.-nit missaanik akeqarnissaa naatsorsuutigineqartariaqarpoq. Najugaqarfusoq alla, siusinnerusukkut peqqinnissaqarfimmi sulisunit najugaqarfigineqartarsimasoq immaqa aamma Nuna Job-ertunit atorneqarsinnaassaaq, tamannali suli nalunarallarpoq.

Periarfissat ilagisinnaavaat ilaqutariinni najugaqarsinnaanerit, immaqa aamma paarlaasseqatigiinnermi, paarlaasseqatigiiffigisimasap najugaqarfigisimasaani inissittoqarsinnaassaaq, akerlianik taavannaanniit nunatsinnukartup maani najugaqarfigisaa atorsinnaassappagu. Tamatumani apeqqutaassaaq ilumut Nunavut-mi namminerisamik ineeraqartoqarsinnaassanersoq. Taamatut periarfissiisoqarsinnaanera taamaallaat illoqarfinni anginerusuni periarfissaasinnassagunarpoq, tassami piffinni mikinerusuni illorineqartartut angisoorsuuneq ajormata, taakkunanilu najugaqartut kisimik inissaqarsinnaasarlutik.

Iqaluit avataani Nunavummi Naalackersuisut sumi tamaani inissianik attartortarput, ilinniartitsisunut atugassiaritinneqartartunik. Sulinngiffeqarfiup nalaani immaqa taakkua Nuna Job-ertunut atukkiunneqartarsinnaassapput, tassa juni – august. Taakkunani najugaqarniaraanni inissiat pisatsersoriikkat qaammammut 7.500 kr.-missaani akeqartinneqartarput.

Nunavik:

Nunavut aammalu Nunavik imminnut eqqaanartorujussuupput. Assigiinngissutaalli uaniinneruvoq, Nunavik suli namminersulersimannngimmat, soorlu Nunavut taamaattoq, taamaattumik Nunavimmi oqartussat toqqaannartumik assersuutigalugu nunatsinniit isumaqatigiisuteqarfigineqarsinnaanngillat.

Namminersulersimannngillat

Ukiuni arlaqaleqisuni Nunavik’mi nunap immikkoortuani oqartussat (Kativik Regional Government) aammalu Québec-imi Naalackersuisut akornanni isumaqatigiinniartoqarsi-

magaluarpoq. Nunavik aamma Makivik Organization-imit (nagguqatitta suleqatigiiffissuat) sunnerneqarluni nagguqatigiit inuit soqutigisaat aallaavigalugit Québec-imit kiffaangissu-seqalersinnaaneq ukiorpaalunni anguniarneqarsimagaluarpoq. Kingullertigut Nunavimmi Naalakkersuisunik pilersitsinissamut siunnersuut itigartitsissutigineqarsimavoq, taamaatumillu nalunararluni suliniuteqarneq qaqugu ingerlariaqqissinnaassanersoq. Tamakku tunngavigalugit nalunarallarpoq qaqugu Nunavik namminerisaminik naalakkersuisoqalersinnaassanersoq. Aamma tamannarpiaq pissutaagunararluni Nunavimmiit suleqatigiissinnaanissamut tunngatil-lugu paasissutissanik pissarsiniarnissaq ajornakusoortorujussuusimavoq. Taamaasil-luni taavani nunatsinniit nagguqatitsinnik suleqateqarsinnaanerup qanoq ineriartortinneqarsinnaanersoq aamma oqaatigiuminaappoq. Arlaatigut isumaqatiginninniarnit ingerlanneqassappata Québec-imi Naalakkersuisut illuatungerineqartariaqassapput, taamaattoqassappallu anguniagaq qanoq inerneqarsinnaassanersoq eqqoriaruminaatsorujussuuvoq.

Taamaattumik matumani nalunaarusiami periarfissat isiginiarneranni annertunerusumik Nunavummik suleqateqarsinnaanermut tunngasuunerussapput (Aappatigullu ajornartorsiutit periarfissallu tikkuarniarneqartartut Nunavummut aammalu Nunavimmi pissutsinut imminnut assingusupilorujussuupput)

Ilinniartitaaneq

Nunatta Canada-milu oqartussat akornanni ilinniartitaanerup tungaatigut suleqatigiissuteqarfigisaat arlaqarput. Suli nunatta taavalu aamma Nunavut-ip taamatullu Nunavik-ullu akornannanni pisortatigoortumik isumaqatigiissuteqartoqarnikuunngilaq, taamaattorli Ilinniartitaanermut Ilisimatusarnermullu Naalakkersuisoqarfiup Nunavullu akornanni suleqatigiinnerup ilusilersorneqarnissaa sulissutigineqarpoq. Tamatuma saniatigut Nunavimmik maannangaq isumaqatigiinninniartoqarani.

Nunavup aammalu nunatta akornanni isumaqatigiissutit tassaapput nunat taakkua akornanni ilinniartitaanikkut naalakkersuisut suleqatigiissutigissallugit isumaqatigiissutigisimasaat ulloq manna tikillugu timitalersorneqartut, tamatumali kingorna anguniarneqarluni atuartut/ilinniartut taamatullu ilinniartitsisut akornanni paarlaaseqatigiissitsisoqartalernissaa.

Canada-mi oqartussanik suleqatiginninnerup tamatuma ilaatigut nassatarisimavaa, nunatsinniit Canadami ilinniariartortut taavani najugaqartutuulli kisiat akiliuteqartarnissaat (local tuition-fee). Tamanna annertuumik sipaaruteqarfiusinnaassaaq, nunani allaneersut nalinginnaasumik qanoq akiliuteqartarannut sanilluutissagaanni. Ilinniagaqartut nunatsinneersut "tuition-fee"-mut akiliutissartik nunatta karsianit akilersittittarsinnaassavaat, tamatumani nunani avannarlerni assingusumik periarfissaqartoqarsimassanngippat.

Ilinniarnepup ingerlanerani nunatsinniit ilinniagaqartut qaammammut 4.600 kr.-niniq ilinniartuunersuteqartarput, nunattalu Danmark-illu avataani ilinniartutut immikkut qaammammut 525 kr.-niniq tapisiaqartinneqarnissaminnut maleruagassat naapertorlugit pisinnaati-taaffeqarlutik. Ilinniagaqarnerisuteqartarnermut maleruagassat naapertorlugit aamma immikkut aningaasartuutisariaqartartunut, soorlu akitsuutit assigiinngitsut ineqarnermullu akiliutit eqqarsaatigalugit saniatigut tapiiffigineqarnissamik qinnuteqaateqartoqarsinnaalluni.

Aatsitassanut Ilinniarfik

Ukioq 2012 aallarnerfigalugu Sisimiuni Aatsitassanut Ilinniarfiup pilersaarutigivaa inuusut-

tunut sammisumik aammalu 24-nik ilinniartuuffigineqarsinnaasumik ilinniarnermik aallartitsiniarluni. Ilinniartitaaneq pilersaarutit naapertorlugit atuagarsornermik suliffimmilu misileraanermik assigiimmik aqqissuussiffiginiarneqartussaavoq. Tamatuma nassatarisaanik Aatsitassanut Ilinniarfik praktikernermi aatsitassarsiorfinni assigisaanilu sungiusarfiusinnaasussanik pisariaqartitsingaatsiartussaassaaq. Nunatsinni aatsitassarsiorfiit ulloq manna tikillugu ingerlasut eqqarsaatigalugit periarfissat killeqartorujussuupput. Taamaattumik Aatsitassanut Ilinniarfik nunatta avataani praktikernissami periarfissanik qimerluuisariaqarpoq. Taamaattumik Aatsitassarsiornermut Ilinniarfiup ilaatigullu Nunavummi oqartussat akornanni tamatumani suleqatigiittoqarsinnaanersoq misissuiffigineqarpoq. (Tamatuma saniatigut nunani avannarlerni aatsitassarsiorfiit oqaloqatigineqarlutik). Nunavummik suleqatigiittoqarsinnaassappat akerlianik Nunavimmi naggueqatigut maani atuarsinnaasarnissaat ammaffigineqarpoq. Tassa akerlianik nunatsinneersut Nunavummi aatsitassarsiorfinni praktikeriartarsinnaassappata.

Højskolit

Højskole, Piqqusilerivvik, Kangerlugaapik-miittoq (Clyde River), Nunavut, aqqissuusaavoq nunatsinni højskoleqartarnermut assingusunngorlugu. Taamaattumik nunatsinni højskolit marluusut Sisimiuniittoq Qaqortumiittoq suleqatigalugit, ilinniartunik paarlaaseqatigiittarnissamut aqutigissallugit naleqqussorinarluinnarlutik. Kultureqarnermut tunngatillugu sammineqarsinnaasut inittussapput, tamatumani Nuna Job-ip pilersinniarnanunat tunngatillugu tunngavilersuutigineqartunut naapertuutissalluni, sulinerup saniatigut kultureqarnermut tunngasut immikkut aallaavigitinniarneqartartussaassammata. Ilinniartitaanermut Iisimatusarnermullu Naalakkersuisoqarfiup ilisimatitsissutigisimavaa, ilinniartunik paarlaaseqatigiissinnaanissaq illuatungeriinnit neriorsuutigineqarsimammat. Tassalu nunatsinnit Nunavummi højskoleriartarsinnaasasut inuusuttut marluk. Akerlianik Knud Rasmussen-ip Højskoliata Sisimiuniittup neriorsuutigisimavaa neqeroorutigisinnaallugu Nunavummiunik marlunnik inissaqartitsisarsinnaasarnissartik. Nunatsinniit isigalugu højskolit eqqarsaatigalugit periarfissat killeqaraluartut, aappaatigut højskolit aqutigalugit Nuna Job-ip pilersinniarnanunat isummersuutaasinnaasut ilanngunneqartariaqarput. Assersuutigalugu piffissami sivilisunngitsumi højskolertoqarsinnaasassagaluarpoq, soorlu sap.ak. ataaseq, tamatumani kultureqarnermut tunngasut sammineqartarsinnaassagaluarlutik. Akerlianik Nunavummeersut Nuna Job-ernerminni nunatsinni højskolit arlaat tamaasaluunniit tikeraarsimaarfigisarsinnaassagaluarpaat.

Iqaluit aammalu Kangerlugaapik-up akornanni siumut utimullu timmisartorniaaraani tamanna 5.700 kr.-nit missaanik akeqartussaassaaq, ilaaffigineqarsinnaassallutillu Canadian North imaluunniit First Air.

Suliffissaqarniarneq

København-imi Canadap aallartitaqarfianit isumaqartoqarpoq Nunavummi Nunavimmilu suliffissaqarsinnaasarnissaq ajornakusoorpallaarnaviangitsoq.

Canadami suliniaraanni tamatumani ajornartorsiutaasinnaasutut tikkuarneqarsinnaasooq tassaavoq sulinissamut akuerineqarsinnaaneq. Tamatumani piumasagaatit arlaqartut, soorlu aningaasaqarnermut tunngasut, sulilernissamut akuerineqarsimatinnani aqqiivigineqareersimasussaapput. Tamatumani apeqqutaatinneqanngilaq sulinerne akissarsiaqartinneqarnissaq akilerneqartanninnissarlunniit. Nalinginnaasumik aallaaviusarpoq suliffissamik

neqeroorfigineqarsimasarnissaq. Aatsaat taamaattoqarsimappat sulilernissamut akuersis-suteqartoqarsinnaasarpoq. Suliassat taamatut ittut sap.ak. 2-3 –ni naammassiniarneqarsin-naasarput.

International Experience Canada Program

Qulaani taaneqartut saneqqunniaraanni periarfissatuaavoq Canadami ”International Experience Canada Program”-imik taaneqarsimasup aqputigineqarsinnaanera. Tamatumani pineqartut inuusuttut 18-niit 35-nut ukiullit akornanni, qallunaatullu innuttaassuseqartut, Canadamiissin-naasarnerat qaammatit 12-t tikillugit. Qaammatit 12-t iluanni katillugu qaammatit qulaaluat sulinermut atorneqarsinnaallutik. Tamatumani piunasaqaatigineqarneq ajorpoq Canadalian-nginnermi suliffissamik neqeroorfigineqareersimanissaq. Aalajangiisuutinneqartarpoq aaq-qissuussap siunertarisaanut naapertuuttuoneq, tamatumali saniatigut Stockholm-imi Canadap aallartitaqarfianit (taakkuami tassunga tunngasut sularisarmassuk) akuerineqarsimanissaq. Canadap København-imi aallartitaqarfianit ilisimatitsissutigineqarpoq, inissat ukiut tamaasa aningaasaliiffigineqartartut 300-uusut qaqutigunnaq tamakkerlugit atorneqartartut. (Taamaa-torli 2011-mi august-ip qaammataata qeqqata missaani inissat 50-t kisiat sinnerussimapput). Taamaattumik International Experience Canada-programmi atorlugu, kalaallit ukiumikkut naleqquttunik ukiullit eqqarsaatigalugit assersuutigalugu Nunavummukarnissaanut periar-fissaqartoqarsinnaassaaq.

Nordjobb

Siunnersuuteqartut aalajangiiffigisassatut siunnersuuteqarnerminni taasimavaat Nordjobb-imik aaqqissuussisimaneq Nuna Job-ip pilersinniarnanut aallaaviusimasoq. Nordjobb-imit ammaffigineqarpoq arlaatigut Nuna Job-imik suleqateqarsinnaassaguni. Kisiannili taamaa-siortoqassappat immikkut aningaasaliisoqarnissaa pisariaqartissanerarlugu. Aamma taamatut peqataassagunik malitsigisassai Nordjobb-imik suliniuteqartarnermut iluaqutaasussat isigini-arusuppaat. Tassalu imatut paasineqarsinnaavoq Nordjobb-ertartut amerlisinnerisigut tamanna aqputissiuunniarneqarsinnaanera ammaffigineqarsinnaasoq.

Nordjobb-i suleqatigineqarneratigut iluaqutissat arlaqartut iluaqutiginiarneqarsinnaassapput. Nordjobb-imit misilittagaqarfineqarluarput paarlaasseqatigiittarnernut tunngasutigut suliaqartarnerit, tassami 1985-miilli paarlaasseqatigiinneq aqputigalugu suliaqartarnerit, kulturikkut oqaatsisigullu paasititsiniaanerit, inuusuttunut 18-niit 28-nut ukiulinnut nunani avannarlerni inuusuttunut aaqqissuussissutigineqartarsimmata. 1993-mi aamma nunarput aaqqissuussinnermi ilanngunneqarpoq. Taamaattumik Nordjobb-imit nunatsinni periarfissat unammilligassallu eqqarsaatigalugit misilittagaqartoqarpoq. Tassami nunatsinni pissutsit immikkuullarissuupput, imaasiinnarlugit allanut sanilliunneqarsinnaanngitsut. Aamma Nuna-vut Nunavik-llu ilanngunneqassappata, sumiiffissatigut unammilligassat arlaqangaatsiartus-saassapput, tassuunatigullu Nordjobb-ip nunatsinnut tunngatillugu suliaqartarnerit iluaquti-giniarsinnaasassagaluarpaat. Tamatuma saniatigut Nordjobb-imiit attaveqarfigineqartartor-passuit misilittagaqarfineqarput, tamakkulu tamarmik iluaqutigineqarsinnaassallutik.

Kimmut suleqateqaleriartorneq

Nordjobb-ip tungaannit maannakkorpiaq (nunanit avannarlerniit) kimmut suleqateqarnerup ineriartortinneqarnissaa anguniarneqarpoq, tamatumani atlantikup avannaani Amerikap kangimut kitaa eqqarsaatigineqarluni. Tamanna Nunani Avannarlerni Ministerråd-ip

kissaataanut naapertuuppoq, tassami ”kitaani sanilerisat” suleqatiginerulersinnaanissaat aqputissiuukkusunneqarmat. Taamaattumik tassani Nuna Job-ip pilersinneqarnissaanik eqqarsaatit inissisimalluarput.

Peqatigiiffik Nordens Forbund, suleqatigiiffiuvoq ilaatigut Foreningen Norden-imit ilaasortaaffigineqartoq. Taakkua ilaatigut Nordjobb-i ingerlatarivaat, tassalu siulersorneqarnerminni pisussaaffigalugu annertunerusumik nunanit avannarlernit inuusaatsimut, kulturimut aammalu atugarissaarnermut tunngasut paasititsiniaanissaq sulissutigissallugu. Tamatumani aallaavigineqarput Skandinaviamiutut inuiaat aallaavigisaat. Aammattaaq piumasaqaatinut ilaavoq Foreningen Norden-ip tungaanniit nunani ikinnerussuteqartut immikkut isiginiyaqusaanngimmata, taamaattumik inuiattut immikkut aallaaveqarnerit suliniuteqarnerni suleqateqarnernilu aallaavigeqquneqaratik. Tamanna imatut paasineqarsinnaavoq, immikkuullarisumik naggueqatigiit akornanni paarlaaseqatigiissitsisarnissamut tunngasut sammineqaquusaanngillat, paarlaaseqatigiissitsisarnernit sulititsiniartarnerillu eqqarsaatigalugit. Tamatumani naggueqatigiit inuit Nunavummeersut Nunatsinneersullu eqqorneqarput. Tassunga tunngatillugu pingaaruteqarpoq erseqqissaassutigissallugu, matumani pineqanngimmat Nuna Job-ip annikillisaavigineqarsinnaanera, akerlianik Nuna Job-i suleqatigineqalissappat anner-tusaanermik kinguneqarsinnaassalluni. Tamatuma kingunerisinnaavaa kalaallit kisimik Nunavummut ingerlatinneqartalersinnaanissaat. Akerlianik Nunavummiit nunatsinnut tikisinnegartut Nordjobb-ertutut allatuulli isigineqarsinnaassassallutik, aamma allanut naligiissutut. Tamatumani kulturikkut sammititsinerunissaq taakkununga aaqquussiffigineqarsinnaasagunarpoq.

Nuna Job – Nordjobb-imut tapitartuuneqarsinnaava?

Nordjobb-ip periarfissarivaa Nunani Avannarlerni Ministerråd-imut iliuuseqaatiginiakkaminut aningaasaliissutissanik qinnuteqaateqarnissaminik, taamaasilluni suli kippasinnerusumiittunut suleqateqalersinnaanissaq aqputissiuuneqarsinnaaqqullugu. Nuna Job-i Nordjobb-imut tapitartuuneqassagaluarpat, naggueqatigiit akornanni paarlaaseqatigiittarnermut kisiat tunngatikkuunaarneqassaaq, tamatumani aamma ammaassiffigineqassammata nunanit avannarlerniut. Tamatuma nassatarisaanik Nuna Job-ip sammisaqarfii ”silinnerulissapput”, avataanniillu aningaasalersorneqarnissaminut periarfissat annertusissallutik.

Assersuutigineqarsinnaavoq Nunavimmeersut Nunatsinnut Nuna Job-eriarsimassagunik, aamma ilagisaliissagaluarpaat nunatsinneersuinnaanngitsut – tassalu nunanit avannarlernersut, nalinginnaasumik nunatsinni Nordjobb-eriarsimasut. Tamatuma nassatarisaanik naggueqatigut aamma nunanut avannarlernut attaveqarnermikkut annertusaavigineqassagaluarput.

Nunatsinninngaaneersut Nunavummi Nuna Job-eriarsimasut eqqarsaatigalugit, tamanna allaanerulumik tunngaveqarsimassaaq, tassami Nordjobb-imiit takorlooruminaatsinneqarmat nunanit avannarlernersut allat, kalaallinut sanilliullugit soqutigisaqassasut aaqquussinermi peqataarusussinnaasarnissamut. Taamaattumik naggueqatigiit inuit akunnerminni ilisareqatigiinnerulernissaanut aqputissiuussinerusussaassaaq – Nunavummiut nunatsinneersullu Nuna Job-eriartut eqqarsaatigalugit.

Nordjobb-imit nalilernerqarpoq Nuna Job-i piviusunnagortinneqassagaluarpat ulloq affaa nalilimmik sulisoqartitsisoqartariaqassasoq. Tamanna akissarsiatigut 200.000 kr.-nit missaanik naleqassaaq, allaffissornerataa ilanngutissagaanni.

Ukioqqortussutsit/siunnerfigisat

Aalajangiiffigisassatut siunnersuummi Nordjobb-i Nuna Job-ip ilusilersorneqarnissaani najoqqutarerusunneqarmat, ilanngullugu misissorusunnarpoq, ilumut Nordjobb-ip aqqis-suussisarnermini sinaakkutaritittagai Nuna Job-imi atortariaqannginersut. Assersuutigalugu Nordjobb-ip inuusuttut 18-niit 28-nut ukiullit sulissutarisarpai – akerlianilli Nuna Job-imik siunnersuuteqartunit inuusuttut 16-niit 30-nut ukiullit aallaavigineqarlutik. Tamatuma aamma nassatarisussaassavaa, kultuurikkut Nuna Job-i aqqutigalugu paarlaaseqatigiittarnissat, sulinissap saniatigut pikkorissaanernik sivikitsumi ingerlatsitsiviusariaqartarnissaat.

Taamaattumik inuk aqqissuussinermi peqataasusaaq nammineersinnaassuseqaannarani to-rersuusariaqarpoq, siammasissumik isiginnissinnaasoq. Nunamut allamukarsinnaasoq, immi-nullu tassani paaraluni. Taamaattumik kissaatiginangilaq inuit arlaatigut inuttut inuunermin-ni arlaatigut oqimaatsorsiortut pineqarsinnaasarnissaat. Tassami tamakku nakkutigineqar-tariaqaliinnaratik pisarissersuilertarmata. Tassami aamma Canadamut sulinissamut akuerine-qassagaanni, aningaasanut tunngasut saniatigut inuk ajornartorsiuteqartuunginnissaa piima-saqaatigineqartarmat.

Naatumik oqaatsigalugu peqataasartussat sukumiisumik toqqartorneqartartussaassapput, taamaasiornikkut qulakkeerniarlugu, peqataasussat ilumut allami najugaqarnissaminnut piukkunnaateqarnersut. Toqqartuisarnissat piffinni Piareersarfiit aqqutigalugit pisassasog takorloorneqarsinnaavoq, tamatumali saniatigut Nuna Job-ip qitiusumik aqutsisoqarfianiit. Taamatuttaaq kissaatiginartuuvoq Nunavummi toqqartuisarnissani taamatukanneq pissuseqartoqartarnissaa.

Angalaniarneq

Nuna Job-ip pilersinneqarpat angallannermut aningaasartuutissat qanorluunniit aqqis-suussisoqaraluarpat annertujumaarput. Periarfissat pitsaanerulissagaluarput Air Greenlandi Nuup Iqaluillu akornanni timmisartuussisarneq aallarteqqikkaluarpagu. Tamanna ilumut periarfissaanersoq, taamaassappallu qaqugu pisinnaassanersoq eqqoriaruminaappoq. Immaqa 2013-mi timmisartuussisarneq aallarteqqinneqarsinnaavoq, taamaattumillu qanittukkut Nuna Job-i aallartinneqassagaluarpat suli periarfissaanaviarani. Taamaattorli siunissami timmisar-tuussisarneq aallarteqqinneqassagaluarpat tamanna Nuna Job-imut iluaqutaasinnaajumaarpoq.

Tamatuma saniatigut periarfissat marluk allat tikkuarneqarsinnaapput. Tassalu nalinginnaa-sumik Island/Danmark-imut timmisartuussisarnerit aqqutigalugit Canadaliartitsisinnaasar-nissaq, aappaatigullu timmisartunik attartornikkut assartuussisarnissaq, assersuutigalugu Nuup Iqaluillu akornanni timmisartuussititsinikkut.

Ataani angalanissamut aningaasartuutaasinnaasutut naatsorsorneqarsimapput august 2011-mi, aningaasat naleqassusii ukua aallaavigalugit:

Euro-p nalinga 745, CAN \$ nalinga 528.

Timmisartukkut attaveqaatit

Iqaluit (Nunavut) aammalu Kuujjuaq (Nunavik) timmisartukkut tikinniaaraanni, Island-i aqqu-tigalugu akilersinnaanerussaaq. Air Greenlandi nunatta nunallu allat akornanni timmisartuus-sinikkut unammillersinnaanngilaq ilaasussanut akilersinnaasumik.

Iqaluit tungaanut aqutissaq unaavoq: Nuuk/Reykjavik/Ottawa/Iqaluit, Air Iceland/Iceland Air/Air Canada/First Air atorlugit.

Kuujjuaq-mut aqutissaq unaavoq: Nuuk/Reykjavik/Montreal/Kuujjuaq, Air Iceland/Iceland Air/Air Canada/Air Inuit atorlugit.

Nalinginnaasumik billettup siumut utimullu akianut ilanngunneqartussaapput, nerisaqarnermut unnuinissamullu aqutaani aningaasartuutissat. Tamatumani naatsorsuutigineqartariaqassalluni marloriarluni unnuinissaq, aqutit tamaasa. Nerisaqarnermut/unnuinermut ulloq unnuarluni 1.200 kr.-neqassasoq naatsorsorneqarsimavoq, taamaasilluni siumut utimullu 4.800 kr.-nit billettup akiata qaavanut ilineqartussaassallutik.

Timmisartukkut aqutissat akikinnerpaat:

	Iqaluit	Kuujjuaq
Nuuk	kr. 21.800,00	kr. 21.500,00

(Akit pineqartut tassaapput siumut utimullu ingerlanerit, aqutaani nerisaqarnissat unnuinissallu ilanngullugit)

Charter/Attartorneq

Timmisartumik attartorniaraanni angallavissaq sivikinnerpaaq anguneqarsinnaavoq. Tamatumani unnuinissamut aningaasartuuteqarnissaq pisariaqarpassinngilaq, aammalu aqutaani nerisaqarnissamut aningaasartuutit annikittuaraassallutik. Tamatumani Air Greenland-i akikinnerpaaq. Canadami timmisartuutiqatigiit nunatta tungaanut utimullu akilersinnaanngillat. Tamatumani aporfunerullutik nunatsinni Mittarfeqarfiit, nunatsinni timmisartut nunanit allaneersut minneranni qaffasissumik akitsuuteqartitsimmata. Air Greenland-ip neqeroorutigisinnaavaa timmisartut assigiinngitsut marluk atorlugit Nuummiit attartortis-sinnaallugit: King Air, tallimat tikillugit ilaasoqarsinnaasoq, taavalu Dash 8, 30-t tikillugit ilaasoqarsinnaasoq. Nuummiit Iqalunnut 125 min. siviussuseqarpoq, taavalu Nuummiit Kuujjuaq-mut timmisartorneq 138 min. siviussuseqarluni. Nuummiit Iqaluk-nut (siumut/ utimut) King Air atorlugu 82.500 kr.-neqarpoq, taavalu Dash 8 atorlugu 132.666 kr.-neqarluni. Nuummiit Kuujjuaq-mut (s/u) King Air atorlugu 90.560 kr.-neqarpoq, Dash 8 atorlugu 162.538 kr.-neqarluni. (Akit taaneqartut pillugit maluginiagassaavoq orsussap akia qaffassagaluarpat akitsuusoqartariaqassammat). Inummumut ataatsimut billettup ataatsip akia (s/u), qanoq annertussuseqarnissaa ilaasussat qanoq amerlatiginerannik aalajangerneqartarpoq. Tamanna imatut takussutissaqartinneqarsinnaavoq:

Nunavut-mut:

	King Air	Dash-8
	Ilaasut 0-5	Ilaasut 0-30
Nuuk-Iqaluit-Nuuk	kr 82.500,00	kr 132.666,00
Ilaasoq 1-5-usimappata	kr 16.500,00	kr 26.533,00
Ilaasut 10-usimappata	Soqanngilaq	kr 13.266,00
Ilaasut 15-usimappata	Soqanngilaq	kr 8.844,00
Ilaasut 20-usimappata	Soqanngilaq	kr 6.633,00

Nalunaarusiaq UKA 2011, imm. 39
Nuna Job

Ilaasut 25-usimappata	Soqanngilaq	kr 5.306,00
Ilaasut 30-usimappata	Soqanngilaq	kr 4.422,00

(Akinut taaneqartunut ilanngunneqarsimapput Nunavummi minnissamut akitsuutit. Air Greeland-ip attartortartunut akigitittagai aallaavigineqarput).

Nunavik-mut:

	King Air	Dash-8
	Ilaasut 0-5	Ilaasut 0-30
Nuuk-Kuujjuaq-Nuuk	kr 90.560,00	kr 162.532,00
Ilaasoq 1-5-usimappata	kr 18.112,00	kr 32.506,00
Ilaasut 10-usimappata	Soqanngilaq	kr 16.253,00
Ilaasut 15-usimappata	Soqanngilaq	kr 10.835,00
Ilaasut 20-usimappata	Soqanngilaq	kr 8.126,00
Ilaasut 25-usimappata	Soqanngilaq	kr 6.501,00
Ilaasut 30-usimappata	Soqanngilaq	kr 5.418,00

(Akinut taaneqartunut ilanngunneqarsimapput Nunavimmi minnissamut akitsuutit. Air Greeland-ip attartortartunut akigitittagai aallaavigineqarput).

Akit qulaani taaneqartut tutsuiginassappata, taava Nuummiit utimullu ilaasussat aqcutit taamaasa amerlaqatigiittussaassapput. Imatut paasillugu, assersuutigalugu Nuummiit Iqalunmut ilaasut 9-uppata, taava aamma Iqalunniit Nuummut 9-usariaqassaapput. Taamatut ippoq assersuutigalugu maj-ip qaammataani aallaraani, taavalu august-ip qaammataani uterluni. Assersuutigalugu Iqalunniit Nuummut uterluni ilaasut 3-nnaasimassappata, ilaasussap ataatsip akiliutissaa qaffattariaqassaaq. Akerlianik assersuutigalugu utimut 12-nngorsimasappata, taava ilaasut ataatsip akiliutissaa appasinnerulissaaq.

Iqaluit aammalu Kuujjuaq King Air tallimanik ilaasoqartillugu attartornissaa (s/u) akilersinnaanarpaassaaq, aamma nalinginnaasumik angallassisoqaraluarpuunniit. Ilaasussat 4-naappata (s/u), annikitsuararsuarmik King Air-i atorlugu attartorneq, nalinginnaasumik timmisartuussisoqarnerminngaanniit akisunerussaaq.

Dash 8 attartorlugu (s/u) tamanna nalinginnaasumik angallassisoqarneraniit akikinnerussaaq, ilaasussat 8-ppata amerlaneruppataluunniit.

Indenrigsflyvning Nunap iluani angallassineq

Nunavut-ip pissuserisaa tunngavigalugu, illoqarfiit/nunaqarfiit akornanni angallanneq kisiat timmisartornikkut ingerlanneqarsinnaavoq. Pissusiviusummi imaammata, illoqarfiit/nunaqarfiit akornanni ataasiakkaaginnartigit nunakkut aqqusineqarmat. Periarfissaasinnaavoq naanerusinnaallunilu umiarsuarmik angalaneq, kisiannili tamanna isumalluutigissallugu tutsuiginarpallaanngilaq.

Nunavummi Naalakkersuisut nammineerlutik tikkuarpaat Iqaluit saniatigit Rankin Inlet aammalu Cambridge Bay tassaasut suliffissarsiorfigissallugit ajornannginnerussasut, Nuna Job-i eqqarsaatigalugu. Tamatumani kifartuussinerni suliffissat pineqarnerupput. Kalaallimut Nuna Job-ertumut innersuusutigineqarsinnaavoq højskole Piqqusilerivvik, Kangerlugaapik-

miittoq (Clyde River). Iqalunniit piffinnut Qamaniqtuaq/Rankin Inlet, Iqaluttuutiaq/Cambridge Bay aammalu Kangerlugaapik-mut angalassagaanni timmisartut periarfissaapput. Unali maluginiagassaavoq Nunavummi angalaniarneq akisoorujussuummat.

Nunavummi angalaniaraanni periarfissat akikinnerpaat makkuupput:

	Rankin Inlet/ Qamaniqtuaq	Cambridge Bay/ Iqaluttuutiaq	Clyde River/ (højskole) Kangerlugaapik
Iqaluit	kr. 9.700,00	kr. 20.000,00	kr. 5.700,00

(Nunavummi angalaniaraanni uani illoqarfiit pineqartut akornanni, ilaanermut akit taaneqarput. Siumut utimullu, Canadian North imal. First Air atorlugit)
(Taamatuttaaq Nunavimmi angalaniarneq akisoorujussuavoq, Nunavik Nuna Job-erfigissallugu toqqarneqassagalarpat)

Angalanissamut aningaasartuutit uteqqillugit

Angalanissaq imatut aaqqissuunneqarsinnaappat aallarnermi utertermilu Nuna Job-ertussat ingiaqatigiittussanngortillugit, tamatumani periarfissat akikinnerpaat tassaassaaq Air Greenland-imit timmisartumik attartorneq. Canadamiut timmisartuutaat attartussagaanni tamanna akilersinnaanngilaq.

Charter/Attartorneq

Timmisartumik attartornissaq akikinnerpaavoq, tamatumani siumut utimullu tamatigut ilaassus 5-usimassappata. Tassa assersuutigalugu maj-imi aallaraanni, august-imilu uterluni. Periarfissaavoq timmisartunik assigiinngitsunik marlunnik attartornissaq.

Timmisartumik attartorniaraanni, periarfissat tunngavigalugit allatulaaq ingerlaaseqarsinnaaneq ajornarsinerussaaq, tassami nunani avannarlerni Nordjobb-i taamatut periarfissaqarsinnaasarmat. Sulisitsisut saaffiginnissuteqarsinnaasarput Nordjobb-ertortorisartik aallartussanngorsimassappat, sap.ak. tullissaani ajornanngippat allamik tikisitsinissaminnut. Timmisartumik attartorneq piffissamik siumut aalajangeereerluni ingerlanneqartarpoq, taamaattumillu sulinissat tamanna tunngavigalugu inissinneqartariaqartassallutik. Tamannali nunatta Canadallu akornanni Nuna Job-ertoqartalernerani saneqqukkuminaassaaq, tassami nunani pineqartuni marluusuni sulinissamut/akuersissutit piffissamut aalajangersimasumut atuutitinneqartarmata.

Canadami sulinissamut akuersissutit sap.ak. marluk missiliorlugit sivilissuseqartumik suliarineqartarput, nunatsinni sulinissamut akuersissutit sap.ak. 9-t miss. sivilissuseqartumik suliarineqartarlutik. Paarlaasseqatigiilluni aaqqissuussinerni, ilimanaateqarsinnaavoq "siumoortumik akuersissuteqartarsinnaanissaq" periarfissaasinnaassasoq – nunarput eqqarsaatigalugu. Taamatut periuseqartoqarsinnaasarpoq suliffeqarfiit angisuut, soorlu Alcoa-kkut paaseqatigineqarsimagaangata. Taamatullu aaqqissuussinerit piffissaq sivikitsuinnaq atorlugu suliaripallanneqarsinnaasarput.

Qanorluunniit sivikillisaaniartigigaluaaraanni, akuersissutit sap.ak. 2-t missaani suliarineqartariaqartassapput. Utaqqineq tamanna iluatsillugu timmisartumik attartornissat, suliffigisassamullu angalanissamut ataqatigiissitsiniarnerit tamarmik isumagineqarsinnaassapput.

Timmisartukkut attaveqaatit

Timmisartukkut aqcutit nalinginnaasut atorlugit angalaniarneq akikinnerpaavoq, tamatumani Nuna Job-eriat taamaallaat 4-t tikillugit amerlassuseqarsimappata. Timmisartukkut aqcutit nalinginnaasut atornerqarnissaat aamma pinngitsoorneqarsinnaanaviangilaq, peqataasussat immikkuutitaarlutik angalasussaasimassappata. Timmisartukkut aqcutit nalinginnaasut aamma atussallugit naleqqunnerpaajusarput, allanngueriarsinnaanissaq pisariaqaleriataarsimasappat. Taamaattorli sulinissamut akuersissutit piffissamut aalajangersimasimasumut tunniunneqartarmata, angalanissamut pilersaarutit siusinaartumik naammassiniagassaasarput. Taamaattumik Nuna Job-i atorlugu aqqissuussinermi, nunamit allameersumik sap.ak. tulliani sulilersussamik tunngaviatigut qinnuteqaateqartoqarsinnaanaviangilaq.

Timmisartukkut aqcutissat nalinginnaasut atorlugit angalanissamut aqqissuussinerit ataqatigiissinniassallugit pisariummat, tamatumani arlaatigut aporfeqariataarsinnaanissaq uloria-naateqarnerpaasarpoq. Tassami aallarfirmiit tikiffissamut timmisartornerit sisamat missaat aqqusaarneqartariaqartassammata, timmisartuussisoqatigiit arlallit atorlugit, tamanna angalasussamut unammillernangaatsiartuussaaq. Tassami aamma takorloorneqarsinnaammata, Nuna Job-i aqcutigalugu peqataajumaartartussat taamatut angalasarnermik misilittagaqarpallaarnaviangitsut.

Nuna Job-imik aqqissuussinissaq piviusunngussappat

Nuna Job-imik aqqissuussineq piviusunngortinniarneqassappat, ilusilersuinerimi makkua ilanngullugit eqqarsaatigineqarnissaat inassutigerusunneqarput:

Ilusilersuineq

Aqqissuussaaneq tutsuiginartumik aqunneqartariaqarpoq, tamatumali saniatigut piffinni assigiinngitsuni (orninneqartartussani) attaveqaatissanik toqqaasoqartariaqarsimassalluni. Tunngaviatigut aqqissuussinerup aqunneqarnerani inuit 3-4-t pisariaqartinneqartussaasapput. Taakkunanga ataaseq, tassalu ataqatigiissaarinnittoq, ingammik ukiumi aallarnisarfimmi ulloq naallugu minnerpaamillu affarmi sulisorineqartariaqarluni. Kingusinnerusukkut misilittakkat naapertorlugit ingerlatseriaaseq sungiusimaneqarnerulerpat, ataqatigiisitsisup sulisarnera sivikillineqarsinnaassaaq. Piffinni assigiinngitsuni attaveqaatigineqartussat, nalinginnaasumik suliamik saniatigut attaveqaataanertik isumagisarsinnaassagaat naatsorsuutigineqarsinnaavoq. Attaveqaatit piffinni qitiusumik inissisimasoqartuusariaqarput, tassangaanniillu nunagisami periarfissat unammilligassallu ilisimasaqarfigilluartariaqarlugit. Naatsorsuutigineqarsinnaassaaq attaveqaatitut inissisimagaanni tamanna sap.akunneranut ulloq suliffik affamiit ilivitoq tikillugu tassunga isumaginninnissamut naammattassaaq.

Pisortaqarfiunngitsumi allaffeqarsinnaaneq

Nuna Job-ip aqunneqarnera allaffimmit namminerisaminngaanniit ingerlanneqalissappat, tamatumani aqutsinermut aningaasartuutaajumaartussat qaffasinnerpaassapput. Kisiannili ingerlatsisoq nammineerluni isummani pisariaqartitanilu naapertorlugit ilusilersuisinnaassaaq. Taamaassilluni ulluinnarni Nuna Job-ip aqussinnaassavaa allanit qulangersimaneqarnani. Allaffik Nuummiissinnaavoq. Naatsorsuutigineqartariaqassaaq taamatut aqqiiso-

qassappat, atulersinniarnani piffissaq sivisunerusoq atorneqartariaqassasoq, tassami taamaasiornikkut naqqaniit aallartisarniartoqartariaqassamat – misilittakkallu killeqarlutik. Tamatum kingunerisussaassavaa atuisussanit Nuna Job-ip iluaqutiginiarneqarsinnaanissaa piffissami sivisunerusumi piviusunnngortinniartariaqarnissaa, soorunalimi aamma Canadamiit peqataasartussat eqqarsaatigalugit. Naatsorsuutigineqartariaqassaaq allaffeqarfissap pilersinniarnerani immikkut aningaasartuuteqartoqartariaqassasoq, taamatullu ingerlatsinissaaq eqqarsaatigalugu. Tamatumani pineqarput soorlu inimik attartornerit, atortorissaarutissat il.il., soorunalimi aamma akissarsiaqartitsisoqartassalluni. Nordjobb-i immaqqa suleqatigineqallattaarsinnaassaaq, imaluunniit siunnersortigineqartarsinnaassaaq.

Nordjobb-imi allaffissornikkut aqqissuussineq

Nuna Job-ip allaffissornikkut aqunneqarnera Nordjobb-imut tapitartuuneqassagaluarpat, tamatumuuna akikinnerusumik aqqiisoqarsinnaassagaluarpoq, tassami taamatut aqqissuussisarnernik misilittagaqarluartut qanimut suleqatigineqalissagaluar mata. Taamaakkaluortoq Nordjobb-imi aqqissuussinerup iluani inissinneqarsinnaanissaaq illuatungeqarsinnaassagunalarpoq. Kisiannili aporfissat arlaatigut aqqiissuteqarfigineqarsinnaassasut soorlulusooq naatsorsuutigineqarsinnaassasoq. Nuna Job-i Nordjobb-imi inissikkaani, tamatumani ullup affaanik naleqartumik sulisoqarnissaaq ukiumut 200.000 kr.-nik nalinganik akeqartoq anguneqarsinnaassagaluarpoq. Namminersorlutik Oqartussat periarfissaqassapput NMR-mut tamanna tamakkerlugu ilaannakortumilluunniit akilernerqartaqqullugu qinnuteqaateqarnissaminut. Taamaasiortoqassappat Nordjobb-i peqatigalugu qinnuteqaasiortoqarnissaa inasutiginartinneqassaaq, taamaasiornikkut NMR-ip paasinnipallassinnaanissaa anguneqarsinnaaniassamat.

Nuna Job-ip allaffissornikkut aqunneqarnera Nordjobb-ip iluani isumagisassanngortissa-gaanni, tamanna iluaquserneqassaaq sulianut assingusunut tapitartuullugu suliarineqarsinnaalissagami. Aamma taamaasiornikkut allaffissornikkut aningaasartuutaajumaartussat pinngitsoorneqarsinnaassagaluarput. Aningaasartuutissaaq tassani kisiat akissarsiaqartitsinermiissaaq. Tamatum aamma nassatarisussaassavaa Nuna Job-imik aqqissuussinermi aningaasartuutit immaqqa Foreningen Norden-ip Canada/USA-mut tunngatillugu aningaasartuutigisartagaannut inissiffissarsiorneqarsinnaanissaat, arlaatigut angalasarnernut aningaasartuutit tassani inissiffissarsiorneqarnerisigut. Taamaasiornikkut Nuna Job-i taamatullu Nordjobb-i tamakkerlugit iluaquserneqarsinnaassagaluarput.

Taamaattumik inassutigineqassaaq, Nuna Job-ip aqunneqarnera Nordjobb-imut isumagisassanngortinniarniqassasoq. Taamaasiornikkut misilittagaqarluartut suleqatigineqarsinnaalissagaluarput, aammalu nunatsinniit Nunavummi paarlaasseqatiginnikkusuttut piaartumik piviusunnngortitsivigineqarsinnaassagaluarput. Tamakku saniatigut ingerlatsinermut aningaasartuutit annikinnerpaanngortinneqarsinnaassagaluarput.

Misissueqqaarneq

Nalunaarusiap suliarinerani paasineqarsimavoq, arlaatigut suliaq piviusunnngortinneqassappat, qulaajagassat suli ilaqartut, Nuna Job-i qanoq qanorlu iliorluni aqqissuunneqarsinnaassanersoq. Taamaattumik inassutigineqassaaq, Nuna Job-ip piviusunnngortinnginnerani misissueqqaarnerit ingerlateqqaarneqartariaqartut. Aatsaat taamaasiortoqareerpat inassuteqaatit tigussaannerusut siunnersuutigisinnaassagaluaratsigit. Misissueqqaarnermi makku qulaajarnerneqarsinnaassagaluarput:

- Nunatsinni Nuna Job-imik soqutiginninneq qanoq annertutiginersoq paasiniassallugu.
- Nunani Avannarlerni Ministerråd-ip Nuna Job-i piviusunngortinneqassappat qanoq soqutiginnitsiginersut paasiniassallugu.
- Nuna Job-ip aningaasalersorneqarnissaanut tunngasut paasiniassallugit.
- Nunavummi/Nunavimmi toqqaannarnerusumik attaveqaateqarfissat ujartussallugit.
- Ilumut Nunavummi/Nunavimmi soqutiginnittoqarnersoq qulaajassallugu.

Aningaasanut tunngasut tamakkerlugit

Nuna Job-eriartut sisamaappata ikinneruppataluuniit, timmisartukkut aqquiti nalinginnaasut atussallugit akikinnerpaassaaq. Tallimaappata amerlaneruppataluuniit timmisartumik attartorneq akikinnerpaassalluni. Ataani assersuusiorsimavugut, minnerpaamik nunatsinniit akilinermiillu 5-t Nuna Job-erlutik peqataanerisigut, assersuusiorsimavugut Nuummiit Iqalunmut timmisartumik attartornerup nassatarisassai. Peqataasussat Nuup Iqaluilluuniit avataaneersimassappata, aamma nunagisami aningaasartuutissat ilanngunneqartariaqassapput.

Aallaavigineqarpoq Nuna Job-ernerup qaammatinik 3-nik sivilisuseqarnissaa, aammalu Nordjobb-ip Nuna Job-imik aqutsisuunissaa aallaavigineqarluni.

Peqataasunut aningaasartuutit:

	Naatsorsuineq	Aningaasat	Nassuiaatit
Davis Stræde ikaarlugu (s/u)	King Air-ip 5-nik ilaasoqarluni attartorneratigut	kr 16.500,00	Taamaasiornikkut timmisartukkut aqquitinut nalinginnaasunut sanilliullugu inummut ataatsimut 5.000 kr.-ninik akikinnerussaaq. Akit assigiimmik appariartulissapput aqquiti tamaasa peqataasussat 8-ppata amerlaneruppataluuniit.
Paasisassarsiorneq (s/u)	Ilaasoq ataaseq: Iqaluit – Clyde River	kr 5.700,00	Tassunga ilanngunneqartariaqassagunarpit ineqarnermut nerisaqarnermullu aningaasartuutit.
Iqalunni ineqarnermut aningaasartuutit	Inummut ataatsimut qaammatit 3-ni	kr 18.000,00	Aningaasartuut taanna pisariaarutissaaq suliffeqarfigisassaaq akeqanng. inissaqartitsissappat.
Kaasarfimmioqarnissaaq	Peqataasooq qaamm. 3-ni ilinniartuunersuteqassaaq, nunatta/DK-p avataani ilinniartutut	kr 15.375,00	Aningaasartuut piissaaq annikillissaarlunniit sulinermi akissarsiaqartitsisoqassappat.
Aningaasartuutit katillugit	Qaammatini 3-ni inummut ataatsimut	kr 55.575,00	Aningaasartuut taana appangaatsiassaaq

Nalunaarusiaq UKA 2011, imm. 39
Nuna Job

			akissarsiaqartitsisoqarpat imal. akeqangitsumik ineqartitsisoqarpat.
--	--	--	--

(Aningaasartuutit qaffasinnerpaaffissaat, Nunavummi kalaallimik ataatsimik Nuna Job-ertitsinikkut)

Ingerlatsinermut aningaasartuutit:

	Naatsorsuineq	Akissaa	Nassuiaatit
Allaffissorneq	Allaffissorneq ukiumut Nordjobb-imi	kr 200.000,00	Nunatsinni namminerisamik allaffeqartoqassappat aningaasartuutit qaffasinnerungaatsi-assapput. Allaffissornikkut aqutsisoqassappat tassunga aningaasartuutit ilanngunneqanngillat, angalanerit ilanngulugit. NMR-i akilee-qataasassappat aningaasartuutit appangaatsiarsinnaassapput. Immaqa aamma Nunavummit akileeqqataasoqartarsinnaavoq.
Nunatsinni Nunavummilu attaveqaatit	Sap.ak. 52-t, sap.ak. nal.ak. 8-t x inuit 2-t. Nal.ak. 150 kr.	kr 125.000,00	Aningaasartuutit appariartorsinnaapput Nuna Job-ip ingerlammersulerpat. Aallartisarnermi aningaasartuutit qaffasinnerujumaarput. PISOQARTILLUGULI aamma attaveqaatit pisariaqartinnerusassallutik.
Ukiumoortumik aningaasartuutit katill.		kr 325.000,00	

(Ingerlatsinermut aningaasartuutit katill., ilanngunnagit allaffissornikkut sulisorisat angalasarnissaat).

Nuna Job-ip ukiumoortumik aningaasartuutigineqarnera, misissueqqaarneq ilanngullugu, taavalu kalaallit 5-t qaammatini 3-ni Nuna Job-ertittarnerisigut:

	Naatsorsuineq	Aningaasat	Nassuiaatit
Inummut ataatsimut	Inuit 5 x 55.575 kr.	kr 277.875,00	Inummut ataatsimut aningaasartuutit appassappat akissarsiaqartinneqassappat ineqarnermulluunniit akiliuteqassanngippat. Inuit amerlanerusut nunanit tamanit peqataappata inummut ataatsimut aningaasartuutit appassapput.
Ingerlatsineq	Allaffissorneq +	kr 325.000,00	Nordjobb-i aqutsisuussappat.

	Attaveqaatit		
Nuna Job-ip katillugit ukiumut aningaasartuutigineqarnera		kr 602.875,00	NMR qinnuteqarfigineqarsinnaavoq aningaasartuutit ilaasa akilersinniarnernit. Immaqa aamma aningaasartuutit ilai Nunavummit akilerneqarsinn.

Ukiumi Nuna Job-ip atuutilernerani, kalaallit 5-t peqataappata, aningaasartuutit katillutik 600.000 kr.-nit miss. annertussuseqassapput.

Akileeqataasoqartinnagu inummut ataatsimut aningaasartuutit

Nunatsinniit aningaasartuutit tamakkerlugit namanneqassappata, aningaasartuutit imatut isikkoqarumaarput: Inuit 5-t Nuna Job-issapata, inummut ataatsimut aningaasartuutit agguaqatigiissillugu 120.000 kr.-niussapput (Erseqqissaatigalugu tamanna aningaasartuutissanik taggissineruinnarmat)

Inuit 10-t Nuna Job-ernerisigut, aningaasartuutit katillugit 848.410 kr.-niussapput, taamatulli amerlatigissappata inummut ataatsimut aningaasartuutit 85.000 kr.-ussapput. Aamma inuit 15-t peqataassappata, inummut ataatsimut aningaasartuutit 57.500 kr.-usinnaassagalarput. Allaffissornikkut aningaasartuutit agguaqatigiissillugu appariartussapput, peqataasut amerlatsikkiartornerat ilutigalugu.

Inassuteqaatit

Nuna Job-ip piviusunngortinneqarsinnaanissaa siunertaralugu Naalakkersuisut makku suli sukumiinerusumik nalilersuiffigineqaaqqaarnissaanik inassuteqassaaq:

- Suleqatigiinnissap annertussusissaa: nunani issittuni nunat sorliit Nuna Job-ip piler-sinniarneqarneranut atatillugu aallaavigineqassappat?
- Suleqateqarnissami aallaavigineqartussat tassaassapput Iqaluit aamma Kalaallit Nunaat. Tamatuma saniatigut Nunavimmi Qamaniqtuaq/Rankin Inlet aammalu Iqalut-tuutiaq/Cambride Bay tapitartuuneqarsinnaassallutik.
- Nuna Job-ip aaqqissuuneqarnissaani ilanngunneqassasut højskolit, siullermik Piqqusilerivvik, Kangerlugaapik-miittoq, Nunavut tikeraalaarneqanngikkuni sivikitsumik uniffigineqartarsinnaassooq. Taavalu aamma nunatsinni højskolit arlaat tamaasaluunniit tikeraarfigineqartarsinnaassallutik. Taamatut iliornerit kulturikkut ilisimasaqarnerulernernik iluaqusiissapput.
- Peqataasussat piginnaasassaat: qanoq ukioqqortussuseqassappat – qanorlu tuluttut piginnaaneqartigissappat (niveau).
- Inassutigineqassaaq misissorneqassasooq, qanoq annertutigisumik Nordjobb-i Nuna Job-ip aqunneqarnerani iluaqutiginiarneqarsinnaanersoq, taamaasiornikkullu misissorneqassalluni qanoq annertutigisumik tamanna sipaaruteqarfiusinnaassanersoq.
- Misissorneqassaaq Nunavummik ilinniartitaanikkut suleqateqarluni ineriartor-

titsiniarneq qanoq ineriartortinniarneqarnersoq. Tamatumani immikkut højskoleqarnikkut suleqateqarniarneq qanoq aqqissuuniarneqarnersoq eqqarsaatigalugu. Taamatullu aamma Aatsitassanik Ilinniarfiup tungaanit suleqatiginnittoqarniarneq. Tamatuma saniatigut ilinniartitaanikkut kultuurikkullu nunatsinnit kimmut suleqateqarniarneq qanoq ineriartortinniarneqarnersoq isiginiarneqartariaqarlutik.

- Nuna Job-imik aqqissuussinissap siunnerfeqarluarnissaa angujumallugu, iluatsinnissaalu aqqutissiuukkumallugu, kissaatiginassaaq paasisutissat makkununga tunngasut pissarsiariniarnissaat:
 - Misissorneqassaaq nunatsinni inuusuttut qanoq Nuna Job-ip pilersinneqarsinnaaneranut tunngatillugu soqutiginnitsiginersut.
 - Nunat Avannarliit Ministerråd-iata soqutigisai paasisitsiniaassutigineqasapput, takutinniarlugu Nuna Job-imik pilersitsiniarneq tapersersoraat.
 - Nuna Job-ip aningaasalersorneqarnissaa.
 - Nunavummi attaveqaatissanik nassaassarsiornissap suliniutigineqarnissaa.
 - Ilumut Nunavummit suleqatiginninnissamik soqutiginnittoqarnersoq paasiniassallugu.
 - Nuna Job-ip allaffissornikkut aqunneqarfissaa nalilersuiffigitissallugu, tamatumani ilanngullugu sumi Nuna Job-i allaffeqarfeqassanersoq, taavalu aamma naalackersuisoqarfiup/naalackersuisoqarfiit suminngaanniit siunissami aqqissuussineq akisussaaffigineqassanersoq.